

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak

**o obustavi postupka pokrenutog po Prijavi koncentracije privrednih subjekata
„Opresa“ d.d. Sarajevo, „Duhanpromet“ d.o.o. Sarajevo, „Riva“ d.o.o. Tuzla, „Riva“
d.o.o. Brčko, i „Riva Company“ d.o.o. Doboj**

**Sarajevo
maj 2014. godine**



Broj: 01-26-1-023-194-II/13
Sarajevo, 7.5.2014. godine

Na osnovu člana 25. stav (1) tačka e), člana 42. stav (2) Zakona o konkurenciji («Službeni glasnik BiH», br. 48/05, 76/07 i 80/09) i člana 122. st. (1) i (2) Zakona o upravnom postupku («Službeni glasnik BiH», br. 29/02, 12/04, 88/07, 93/09 i 41/13), rješavajući po Prijavi koncentracije privrednih subjekata „Opresa“ d.d. Sarajevo, Džemala Bijedića br.185, Sarajevo, Bosna i Hercegovina, „Duhanpromet“ d.o.o. Sarajevo, Radenka Abazovića 1, Sarajevo, „Riva“ d.o.o. Tuzla, Muftije Efendije Kurta 1, Tuzla, „Riva“ d.o.o. Brčko, Braće Kobića 14, Brčko i „Riva Company“ d.o.o. Doboj, Dobojskih brigada bb, Doboj, Bosna i Hercegovina, zaprimljenoj dana 20.9.2013. godine, pod brojem: 01-06-26-027-II/13 i Zahtjevu za povlačenje Prijave zaprimljenom dana 18.4.2014. godine, pod brojem: 01-26-1-023-193-II/13, Konkurencijsko vijeće Bosne i Hercegovine, na 89. (osamdesetdevetoj) sjednici održanoj dana 7.5.2014. godine, je donijelo

Zaključak **o obustavi postupka pokrenutog po Prijavi koncentracije**

- 1) Obustavlja se postupak pokrenut po Prijavi koncentracije privrednih subjekata „Opresa“ d.d. Sarajevo, Džemala Bijedića br.185, Sarajevo, „Duhanpromet“ d.o.o. Sarajevo, Radenka Abazovića 1, Sarajevo, „Riva“ d.o.o. Tuzla, Muftije Efendije Kurta 1, Tuzla, „Riva“ d.o.o. Brčko, Braće Kobića 14, Brčko i „Riva Company“ d.o.o. Doboj, Dobojskih brigada bb, Doboj, radi odustajanja Podnosioca prijave.
- 2) Ovaj Zaključak je konačan i bit će objavljen u „Službenom glasniku Bosne i Hercegovine“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je dana 20.9.2013. godine, pod brojem: 01-26-1-023-II/13 zaprimilo Prijavu namjere koncentracije, (u daljem tekstu: Prijava), podnesenu putem advokata Zdravka Rajića, Stjepana Radića br.7, Mostar (na osnovu punomoći izdate dana 4.9.2013. godine u Sarajevu), po kojoj privredni subjekt „Opresa“ d.d. Sarajevo, Džemala Bijedića br.185, Sarajevo, Bosna i Hercegovina (u daljem tekstu: Podnosilac prijave) namjerava, zajedno sa privrednim subjektima „Duhanpromet“ d.o.o. Sarajevo, Radenka Abazovića 1, Sarajevo (u daljem tekstu: Duhanpromet), „Riva“ d.o.o. Tuzla, Muftije Efendije Kurta 1, Tuzla (u daljem tekstu: Riva Tuzla), „Riva“ d.o.o. Brčko, Braće Kobića 14, Brčko (u daljem tekstu: Riva Brčko), i „Riva Company“ d.o.o. Doboj, Dobojskih brigada bb, Doboj (u daljem tekstu: Riva Doboj), osnovati novi privredni subjekt putem zajedničkog ulaganja na dugoročnoj osnovi.

Na osnovu prikupljenih podataka i preliminarne analize podataka iz dokumentacije dostavljene uz Prijavu i dopune Prijave, a koji se odnose na broj maloprodajnih objekata (kioska) učesnika koncentracije i glavnih konkurenata po gradovima na tržištu maloprodaje duhanskih proizvoda, štampe, elektronskih dopuna i roba široke potrošnje u specijalizovanim objektima (tipa kiosk) na

teritoriji Bosne i Hercegovine izvršene prema kriteriju brojnosti maloprodajnih objekata, Konkurencijsko vijeće je u smislu člana 9. Zakona, te odredbi Odluke o definisanju kategorija dominantnog položaja («Službeni glasnik BiH», br.18/06 i 34/10) ocijenilo da bi provođenje predmetne koncentracije moglo imati za posljedicu negativne efekte koji mogu značajno narušavati konkurenciju na relevantnom tržištu u pojedinim gradovima Bosne i Hercegovine.

Slijedom navedenog, Konkurencijsko vijeće je dana 28.11.2013. godine donijelo Zaključak o pokretanju postupka ocjene koncentracije, broj: 01-26-1-023-11-II/13, iz razloga što bez provedenog postupka i u roku iz člana 18. tačka (6) Zakona nije bilo moguće utvrditi i analizirati efekte predmetne koncentracije.

U toku trajanja postupka, a u smislu člana 17. Zakona, Konkurencijsko vijeće je analiziralo efekte predmetne koncentracije na tržište, odnosno na strukturu tržišta u smislu da li se stvara ili jača dominantni položaj učesnika koncentracije nakon provođenja koncentracije, te da li postoji osnovana sumnja da može imati značajno narušavanje i ograničavanje tržišne konkurencije, u smislu člana 13. Zakona, te negativne efekte na stvarne ili potencijalne konkurente na tržištu, i na krajnje korisnike (potrošače).

Podnosilac prijave je dana 18.4. 2014. godine, aktom zaprimljenim pod brojem: 01-26-1-023-193-II/13, obavijestio Konkurencijsko vijeće o povlačenju Prijave, odnosno o odustajanju od provođenja koncentracije.

Na osnovu člana 122. stav (1) Zakona o upravnom postupku stranka može odustati od svoje prijave (zahtjeva) tokom cijelog postupka, a prema stavu (2) istog člana kada je postupak pokrenut po prijavi stranke, a stranka odustane od svoje prijave, tijelo koje vodi postupak će donijeti zaključak kojim se postupak obustavlja.

Konkurencijsko vijeće je na osnovu navedenog odlučilo kao u tački 1. dispozitiva ovog Zaključka.

5. Administrativna taksa

Podnosilac prijave na ovaj Zaključak, u skladu sa članom 2. stav (1) tarifni broj 108. tačka b) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 500,00 KM u korist Budžeta institucija Bosne i Hercegovine.

6. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

Predsjednik

Gordan Raspudić